



太平御覽


七十三



内閣文庫			
番號	漢	1842	
冊數	240 (73)		
函號	別	14	1








太平御覽卷第二百三十八

職官部三十六



大將軍附 秦屬

車騎將軍

驃騎將軍

驍騎將軍

衛將軍

前將軍

後將軍

左將軍

右將軍

大將軍

史記曰武帝伐匈奴以衛青為大將軍位在諸公上公卿皆拜
唯汲黯獨揖有言大將軍尊貴不宜爾黯曰大將軍有揖客獨
不貴耶青聞之愈重黯

漢書曰武帝以霍光為大將軍輔昭帝田千秋為丞相及昭
帝初即位未任聽政事一次大將軍光秋居相位謹原有重名
光謂千秋曰始與君侯俱受先帝遺詔令光治內君侯治外且
有以教督使光無負天下千秋曰佳將軍留意即天下幸甚給
不有所言
後漢書曰竇憲為大將軍威震天下復出屯武威會帝西詞園
陵詔憲與車賀會長安及憲至尚書以下議欲拜之伏稱萬歲
韓稷正色曰夫上交不諂不交不黷禮無為人臣稱萬歲之制
議者皆慙而上

又曰詔鄧騭班師朝廷以太后故遣五官中郎將迎拜騭為大
將軍到河南使大鴻臚親迎中常侍齎牛酒効勞王主以侯望
於道既大會群臣賜束帛馬

應邵漢官議曰和帝以竇憲為大將軍乃冠三公也

又曰梁冀為大將軍以世姻媾援立之功公卿希有上比同霍
舉高第茂才官屬皆倍餘府

魏志曰文帝以遜孫權為大將軍吳加九錫

又曰大傳司馬宣奏免曹爽皇太后詔高文惠假節行大將軍
事據爽營大傳謂之曰君為周敦矣

後魏書曰莫題有謀策為大將軍平慕容麟賜爵東宛侯後太祖欲廣宮宇規度平城四方数十里將摸鄴洛長安之制運材数百万以題機巧監定焉

陳思王輔瓦論曰知盧深奧淵然難測恭以奉上愛以接下納言左右為帝喉舌曹大將軍也

大將軍 秦屬附

魏志曰王謙為大將軍何進長史進以謙名公之胃欲與為婿見其二子使擇馬謙弗許以疾免

臧榮緒晉書曰魯之字世英號思墳籍稽古自代之奧典聖人

之徵言皆該覽焉大將軍曹爽輔政高選賢明為官屬延芝為司馬

續漢書曰李固字子堅拜議郎為洛陽令大將軍梁翼請為從事中郎

晉書曰鄭冲字文和以儒雅為業簞食瓢飲布食緼袍不以為憂大將軍曹爽為從事中郎

又曰李喜景帝輔政命喜為大將軍從事中郎喜到引見謂喜曰先公辟君而不應今孤命君而至何也對曰先公以禮見喜得以禮進退明公以法見繩喜畏法而至帝甚重之何法盛晉

中興書曰郭館大將軍王郭以為從事郎中會敦討劉隗切課
敦大怒曰人中間言卿廢故矣卿眉頭今疾復發耶勿復語
也舒曰明公聽舒一言舒聞古之狂之直周昌汲黯朱雲皆不
廢也昔堯立誹謗之木舜懸敢諫之鼓公為騰堯舜耶而乃折
舒使不得言郭黯
然也

竹林七賢傳曰阮籍字嗣宗為大傅司馬且王叅軍遷景王大
將軍從事中郎

通典曰從事中郎漢永官也陳陽為大將軍王鳳從事中郎事

也在主簿上所掌典長史同

華嶠後漢書曰崔駰字季伯辟大將軍竇憲府掾憲新輔政貴
重掾三十人皆故刺史三千石唯駰以處士年少擢在其間憲
擅驕恣駰數諫之出為長岑長不意不官之而歸

華嶠後漢書曰馬融字季長為將軍鄧騭舍人

晉陽秋曰義與周延為左轉尚書廷大將軍諮議叅軍

車騎將軍

漢書曰元光元年以中尉程不識為車騎將軍屯寫門應詔
漢官儀曰帝以元舅馬防為車騎將軍銀印青綬吳志曰孫

一奔魏以一為車騎將軍儀同三司封吳侯以故王芳貴人刑
氏妻之美也妬忌下不堪命遂共殺一及刑氏蜀志曰鄧芝字
伯苗義陽新野人益州從事張裕相芝往從事謂芝曰君年過
七十位至大將軍封侯為車騎將軍賞罰明善卹卒伍身之
衣食資仰於官不苟素儉然終不治私產妻子不免飢寒死之
日家無餘財

後魏書曰王術字文舒出為散騎常侍征東將軍西兗州刺史
術留治未幾屬尔朱仲遠称兵内向州既路衝為其攻逼術不
能守為仲遠所擒以其名望不害也令騎牛從車久乃見釋還

洛除車騎將軍

隋書曰長孫覽周武帝在藩與覽親善及即位弥加礼馬超拜
車騎大將軍每公卿上奏必令首讀覽有口辨声氣雄壯凡所
宣傳百僚属目帝每嘉歎之覽初名善帝謂之曰朕以万機委
卿先覽遂賜名焉

驃騎將軍

漢書曰武帝以霍去病為嫖姚校尉征匈奴累有功寵冠群臣
置驃騎將軍秩與大將軍同

又曰明帝即位以東平王蒼為驃騎輔政開東閣延英雄及蒼

歸國有騎、時吏丁牧周相以蒼敬賢下士不忍去之遂為王家大夫數十年事祖及祖孫帝聞褒美

又曰驃騎將軍漢官也長史司各一人金璋紫綬五時朝服武冠佩山玄王光武中興諸將皆稱大後天下既定武官悉首東觀漢記明帝詔曰東王蒼寬將有謀可以託六尺之孤臨大節而不可奪其名以蒼為驃騎

又曰張意拜驃騎將討東甌備水戰之具一戰大破所向無前又曰其將軍不常置比公者又有驃騎將軍建武二十年復置驃騎將軍位次公有長史一人

後漢書曰劉隆為驃騎將軍行大司馬事隆奉法自守視事八歲上將軍印綬罷賜養牛上樽酒十斛

應邵漢官記曰漢興置驃騎將軍位次丞相

隋書曰崔彭轉驃恒興宿衛性謹密在省闈二十餘年每當上在伏危坐終日未嘗有怠隋之容上甚嘉之上每謂彭曰卿當上曰我寢處自安又嘗曰卿方馬固以絕人頗知學不彭曰臣少愛周禮尚每於休沐之暇不敢廢也曰試為言之彭曰說君臣戒慎之義上稱善

常昭釋名曰驃騎將軍騎將軍秩比三公辨云此二將軍秩本

二千石

世說曰何驃騎第五以高情遜避而驃騎令仕對曰然第五之
稱何必咸之驃騎

陳思王輔臣論曰魁傑雄特秉心平置威嚴之捍風行草靡戎
昭果敦拆衝厭難者司馬驃騎

梁簡文帝讓驃騎揚州刺史表曰常願侯服就列希同時進之
班角巾還弟不競龍驤之貴而天澤無涯名器惣集竊以驃騎
之官既上司將神州之重實號土中故以彈厭六戎冠冕九牧
豈止司隸絳節金吾緹騎况復任惣幾位重連率何則驃騎之

號歷選為重元之中始自去病永平之建物授刘蒼齊歆為公
主所申吳漢因群臣之舉

驃騎將軍

漢書曰李廣為驃騎將軍後出鴈門擊匈奴亡生得廣亡時
傷陽死魄傍故善馬漸騰馬上南馳得脫廣亡失多當斬贖為
庶人

東觀漢記曰光武刘桓為驃騎將軍改中山
人曰建武九年以刘善為驃騎將軍攻涿郡

華嶠後漢書曰馬成字君廷拜驃騎將軍北屯常山積数年

上以其勤劳徵歸京師邊民多上書請之上復以成鎮撫之魏志曰任城威王彰字子文性勇而鬚黃為驍騎將軍北山寨為寇所要彰獨與麾下數突虜王聞之曰我黃鬚兒定可用也又曰董卓立獻帝表太祖為驍騎將軍與計事太事乃爰姓名間行東歸

齊書曰江敳為侍中傳都官尚書領驍騎將軍五晏啓武帝曰江敳今重登禮閣兼寄六軍茲渥所覃實有優恭但語其事任始閑輦天旨既歆升其名位愚謂以侍中領驍騎望清显有殊納言上曰敳常啓吾為其鼻中惡令既以何徹王營還門下

故有此迴撫耳

衛將軍

漢書曰大帝至謂橋郡臣奉天子法駕迎代邸皇帝即日夕入未央宮夜拜宋昌為衛將軍領南北軍

又曰受帝三年遣灌嬰擊匈奴發中衛材官兵屬衛將軍長安晉書曰虞潛字思奧為衛將軍貌如不武內實堅明

前將軍

漢書曰前後左右將軍皆同未官秦曰之位亞上卿金印紫綬又曰武帝征西夷有西夷右將軍且元以後雜錯更置或為

前或為後或左或為右雖不出征猶有官在諸卿上國爪牙所以揚示威靈於四遠折衝萬人如虎如熊

又曰前後左右將軍皆周官也秦漢因置以征四夷後雖不征其官常存

又曰傳善為左將軍傳太后與政喜數諫后不悅印上綬度在家上疏固請乃拜前將軍

又曰張遼字文遠鴈門馬邑人也聶一之後以避寃變姓少為郡武力過人文帝節位輔前將軍又黃初二年遼至洛陽官文帝引遼會建始殿親問破吳意狀帝歎息顧左右曰此示古之

邵虎也

蜀忠曰先主為中王遣詩拜關羽為前將軍羽聞黃忠為後將軍怒曰大丈夫終不與老兵同列不肯拜受詩謂羽曰夫立王業者所用非一昔蕭曹與少小親舊而陳韓亡命後論至在班列衛最居上未聞蕭曹以為怨也今漢中王以一時之功隆崇於漢然意之輕重寧當與君侯齊乎王與君譬猶一体同休等戚禍福共之愚謂君侯不宜計官號之高下爵位之多少也僕一介之使御命之臣君侯不受拜如是便還但相謂惜此舉動恐有後悔聶大感悟即受拜

漢叔黃忠字也

後魏書曰春稽昌黎人濮

陽公渾曾孫也稱有幹局迂前軍將軍措眇一目性甚嚴忍時
人號為瞎虎

後將軍

漢書曰趙元國為後將軍西羌夕上使御史大人邴吉問可將
者充國時年七十餘對曰無喻於老臣者矣遣問焉曰將軍度
羌慮何如當用幾人充國曰百聞不知一見兵難踰度也喻進臣
愿馳至金城圖上方略然羌戎小夷逆天皆叛滅亡不久愿陛
下以属老臣勿以為憂

東觀漢記曰邳彤字瑞君信都人也為曲陽卒正更始即位上

以大司馬平河北至曲陽彤舉城降後為大將軍魏志曰曹溪
為文帝所廢明帝即位拜後將軍

蜀志曰黃忠字漢叔先主為漢中王欲用忠將後將軍諸葛亮
說先主曰忠之名望素非閔馬之倫而今使令同列馬張在親
見其功尚可喻指閔羽遙聞之恐必不悅得無可乎先主曰
吾當解之與羽等同位賜爵閔侯晉中興書曰應詹字思遠
太興三年為後將軍

晉起居注曰太如八年置後軍將軍掌宿衛

左將軍

漢書曰公孫賀封南窳

窳音勞
孝反

以左將軍出定襄無功失侯又

十

曰辛慶忌字子真為左將軍為國虎臣匈奴西城親附敬其威
信

東觀漢記曰賈復字君文治尚書事舞陰李生李生奇之謂門
人曰賈生容貌志意如是而勤於學此將相之器徵詣洛陽拜
左將軍南繫赤眉新城轉西關繫盆子於澠池破之魏志曰文
帝即位以李郃為左將軍詔郃與曹貞討安之慮水胡及東
羌

晉書百官名臣曰王濟字武子起家中書郎廷左將軍

山濤啟事曰左將軍裴楷通理有才義

右將軍

漢書曰常惠以明習外國事勤勞數有功為右將軍

又曰何武薦辛忠慶且在外爪牙乃拜為右將軍

魏志曰徐晃字公明為右將軍性儉約畏慎為將常遠斥候歎
曰右人患不遭明為君今我遇之當以功自効蜀志曰諸葛亮
上疏曰臣以弱才叨竊非據親秉旅鉞以厲三年軍不能訓章
明法臨事而惧至有街亭違命關令箕谷不戒之失咎皆在臣
授任無方臣明不知人恤事多闇春秋責師臣職是當請自貶

三等以督廂谷於是以亮為右將軍行丞相事所摠統如前
何法盛晉中興曰敦默為右將軍默既遠人樂為將不願內轉
謂刘徹曰能衛胡而不用更用虛名者且右軍主禁兵禁兵下
妾出有急方更配紀兵將軍無素是謂乘之安得不亂

又曰王羲之字逸少遵之從子也幼訥於言人未之知年十三
嘗見周顛異之時重牛心炙座客未啖先割啖之羲之於是聞
名及長尤善草隸書為舍人冠絕累遷為右將軍不樂京師遂
往會稽與謝安孫綽等遊處山陰有道士養群鵝羲之意甚悅
道士云為鴈黃庭經當本群相贈乃為寫訖籠鵝而

去

太平御覽卷第二百三十八

太平御覽卷第二百三十九

職官部三十七

四征將軍

征東將軍

征西將軍

征南將軍

征北將軍

四鎮將軍

鎮東將軍

征西將軍

鎮南將軍

鎮北將軍

四安將軍

安東將軍

安西將軍

安南將軍

安北將軍

四平將軍

平東將軍

平西將軍

平南將軍

平北將軍

雜號將軍

鎮國將軍

撫軍將軍

征虜將軍

冠軍將軍

輔國將軍

領軍將軍

護軍將軍

中軍將軍

游擊將軍

積射將軍

積弩將軍

強弩將軍

殿中將軍

負外將軍

直閣將軍

征東將軍

入至權麾下

魏志曰張遼字文遠為征東將軍征孫權被甲戰先陷陣衝壘
 又曰滿寵字伯寧為征東將軍詔曰君典兵在外專心憂公賜
 田十頃谷五百斛錢二十萬以明清忠儉約之節晉書王渾
 平吳轉征東大將軍復鎮壽陽渾不尚刑名處斷明允吳人
 新附頗懷畏懼渾撫循羈旅虛懷緩納座無空席門不停賓於

是江東之士莫不附悅

征西將軍

東觀漢記曰馮異為征西將軍入關征赤眉

又曰耿秉為征西將軍領撫單于及薨南單于舉國發喪犁庭流血

魏志曰夏侯淵字妙才為征西將軍守漢中

魏書曰六員代人也少善騎射數從代所在摧鋒陷陣前後以功為征西將軍

征南將軍

魏志曰夏侯尚字仁伯淵從子也文帝與之親友太祖定冀州尚為司馬常征討迂征南將軍

又曰曹仁為征南將軍鵠陵侯北彰北討烏丸文帝在東宮為書戒彰曰為將軍奉法不當征南耶

晉書曰羊祜為征南將軍寢疾求入朝既至洛陽會景猷梓宮在殯哀慟至篤中詔申諭扶疾引見命乘輦入殿無下拜甚見禮優

後魏書曰司馬景之字洪略晉汝南王亮之後太宗歸封蒼梧公加征南大將軍

征北將軍

魏志曰杜恕為幽州刺史時征北將軍程嘉屯蘇尚書袁伋等
戒等恕曰程申伯今俱挾節共屯一城宜深有以禮之沈約宋
書曰衡王義季為征北將軍徐州刺史

鎮東將軍

魏志曰臧霸字宣高太山華陰人也亡命東海以壯勇聞太祖
募索得霸見而悅之以為琅邪相文帝即位廷鎮東將軍

鎮西將軍

魏志貞字子丹文帝即位以貞為西將軍

蜀志曰馬超父灵帝末與章韓遂等俱起居事於西州初平三
年遂騰率衆詣長安漢朝以遂為鎮西將軍遣还金城騰為征
西將軍屯郿鄠

鎮南將軍

蜀志曰黃權字公衡代吳敗於白帝既附魏文帝曰君捨逆順
欲追蹤陳朝耶權曰臣降吳不可歸蜀無路是以歸命敗軍之
將免死焉幸何人之可募帝善之拜鎮南將軍吳志曰呂岱既
足交州進討九員斬獲万又遣從事南宣國化及徼外扶南林
色堂明諸王各遣使奉貢權嘉其功進拜鎮南將軍

晉書曰杜預為鎮南將軍繕兵甲曜威武乃簡精銳襲吳西陵
督張政大破之以功增三百六十五戶政吳之名將也據要害
之地耻以無備耶敗不以所喪之實告于孫皓預欲間吳邊將
乃表還所獲之衆於皓上果名召政遣武昌監劉憲代之故大
將軍臨至使其將師移易以成傾湯之勢預處公既定乃啓請
代吳之期

後魏書曰唐和諧聞世祖優之待以上客高宗以和歸城先朝
拜鎮南將軍

鎮北將軍

魏氏春秋曰許元字士宗為鎮北將軍都督河北諸軍事蜀志
魏延字文長先主大會群臣問延曰今委卿以重任卿居之歆
云何延對曰若曹操舉天下而來請為大王距偏將十萬之衆
至請為大王喬之先主稱善衆咸壯其言先主踐尊號進拜鎮
北將軍

安東將軍

王隱晉書曰武帝代吳以王渾安東將軍

晉公卿禮秩曰世祖以扶風王駿為安東大將軍

安西將軍

魏志曰曹仁字子孝太祖從弟也少好弓馬戈獵俊豪太祖討
馬超以行安西將軍

安南將軍

謝承後漢曰光武以岑彭為安南將軍

安北將軍

宋約宋書曰劉琇之東莞莒人少孤貧有志操為安北將軍雍
州剌史上馬辛新亭視琇之發引

平東將軍

王隱晉書曰武帝伐吳以王濬為平東將軍

平西將軍

蜀志曰馬超聞先主圍劉彰於城都密書請降先主遣人迎超
超將兵徑到城下城中震希璋即稽首以超為平西將軍
沈約宋書曰臨川王義慶為平西將軍

平南將軍

王隱晉書曰武帝伐吳以胡奮為平南將軍

平北將軍

魏志曰太祖征冀州張燕求佐軍拜西平北將軍

雜號將軍

鎮國將軍

魏志曰黃初七年魏文以陳群為鎮國大將軍錄尚書事受命
碩

又曰其靈露元年以石苞為鎮國將軍

沈約宋書曰齊王攸為國驃騎上後復舊

撫軍將軍

魏志曰黃初四年以司馬宣王為撫大將軍輔政

又曰齊王嘉平三年以司馬景王為撫軍大將軍輔政

語林曰簡文為撫軍時坐牀上生塵不听左右拂去見鼠行跡

視以為嘉有叅軍見鼠以寺板煞之撫軍謂曰無乃不可乎

征勇將軍

東觀漢記曰祭遵為征勇將軍廉絜奉公先武歎曰安勅憂國
奉公如祭遵征虜者乎

魏志曰太祖以臨淄侯植為征虜將軍遣救曹仁手有所勅而
植醉於是罷之

又曰南陽周太好立功善用兵以為征虜將軍

沈約宋書曰征虜將軍世號金紫將軍

冠軍將軍

史記曰楚義帝以宋義卿子冠軍

漢書曰武帝以霍去病征匈奴功冠三軍封冠軍侯

魏志曰正始中以文欽為冠軍將軍揚州刺史

晉起居志曰武帝泰始七年詔曰議郎胡奮開爽忠亮有文武才幹歷位外內涉練戎事威畧之聲著于方外其必奮為冠軍將軍

齊書曰劉俊嘗從駕登蔣山上數歎曰貧賤之交不可忘糟糠之妻不下堂領謂俊曰此况卿也世言貧富好改其素情吾雖有四海今日與卿及布衣之適俊起拜謝遷冠軍將軍晉書載

記曰符堅冠晉以姚萇為龍驤將軍督益梁州諸軍事謂萇曰朕本以龍驤建業之號未曾假人今特以相受山南之事一以委卿堅左將竇衝進曰王者無錢言此將不祥之徵也惟陛下察之堅默車頻秦書曰符堅與符健西入關堅時年十二未有軍號健夢有天神遣使者朱衣武冠拜堅為龍驤將軍後加此官以應神夢羊佑別傳曰先時吳童謠云阿童御力浮渡江不畏岸上虎但畏水中龍祐聞之曰此必水軍有功即表王濬為龍驤將軍謀代吳

輔國將軍

晉書王導為輔國將軍導上牋曰昔魏武達政之主也苟文若
功臣之最也封不過亭侯倉野愛子之寵贈不過別部司馬以
此格万物得不局跡乎今者臨郡不問賢愚豪賤皆加重號輒
有古蓋時有不得者或為耻辱天官混雜朝望顛倒尊重任不
能崇俊山海而開創亂源號食竊名位取柰彝典謹送鼓蓋加
崇之物請從導始庶令雅俗區別群望無惑

王隱晉書曰王濬為輔國將軍

又曰羊琇以輔國將軍府儀同

領軍將軍

魏志曰文帝即位拜曹休為領軍將軍

晉書曰紀瞻轉領軍將軍當時服其嚴毅雖恒疾病六軍敬憚
之瞻以久病請去官不許復加散騎常侍及王郭之逆帝使謂
瞻曰卿雖病但為朕卧護六軍所益多矣晉陽秋曰韓康伯年
四十九拜領軍疾病占候者云不宜此官固請徒之

河法盛晉中與書曰陶回拜領軍將軍加散騎常侍性方範不
暴強禦丹陽尹頗以佞事司徒王導其耻之回常慷慨謂景
非正人不宜親狎會熒咸守南斗約旬王公語曰曰南斗揚州
分而熒惑守之吾當遜位以厭此譴回答曰公以明德作鎮輔

弼聖主常親忠貞遠邪佞與桓景造膝熒惑何由退遵深愧之
梁書曰明曾祐拜領軍將軍原自封植以所加鼓吹恒置齊郎
之自娛人曰此是羽儀公名望隆重不宜若此荅曰我性愛之
恒須見耳或出遊亦以自隨人志笑之唐書曰貞元十一年以
前太子賓客李愿為左領軍大將軍李憑為右威衛大將軍
依前兼中丞皆大尉晟之子以免喪故晟諸子同日授官者凡
九人

護軍將軍

王隱晉書曰王敦將復作逆明帝問曰何如應荅厲然慷慨荅

詔曰陛下宜奮赫斯威臣等當負戈從戎以順討逆誠社稷之
許也即以倉為護軍將軍同心滅

中軍將軍

漢書曰馮奉世字子明元帝以為中軍屯陽首

魏志曰曹貞持節督中外諸軍將軍受顧命王隱晉書曰大始
元年以羊祐為中軍將軍摠宿衛

游繫將軍

史記曰漢高祖陳狝為游繫將軍

漢書曰太祖初元年以蘇建韓說為游繫將軍

袁宏漢紀曰建武二年以鄧為游擊將軍助朱浮攻彭寵
魏志曰卞闡少有才學為游擊將軍加散騎常侍山濤啟事曰
游擊將軍諸葛冲精果有文武擬補充州詔曰冲領兵未欲出
之

積射將軍

後周書曰于謹除積射將軍之隨廣陽王元深征鮮于脩礼亭
軍中山侍中元晏於灵太后曰廣陽王以宗室之重受律專征
今乃盤桓不進坐圖非望又有于謹者智畧過人為其謀主風
塵之隙恐非陛下純臣矣灵太后詔於尚書省門外立榜募能

護謹者許重賞聞之乃謂廣陽王曰今女主臨期取信讒佞脫
不明白殿下素心便恐禍至謹請東身詣闕歸罪有司披露心
腹深遂許之謹遂到榜下曰吾知此人衆共誥之謹曰我即是也
有司以聞灵后引見之大怒謹述廣陽忠疑兼陳停軍之状灵
后意解捨之世語曰積射將軍樊震對武帝称鄧艾之忠

積弩將軍

沈約宋書曰積弩將軍晋官也

齊職儀曰積弩將軍品第四銀章受武冠絳朝服佩水蒼玉
晋太康十年立積弩積射營各二千五百人並以將軍領之

強弩將軍

漢書曰元狩元年以李沮為強弩將軍匈奴

又曰太初二年以路博德為強弩將軍

又曰神雀二年以許延壽為強弩將軍廷大司馬

博暢晉瓚曰晉文王晉臺置強弩將軍掌衛

殿中將軍

玄中記曰漢桓帝時出遊河上忽有一青牛從河中出直走盪
拒帝邊人皆走大尉何公為殿中軍有勇力輒走逆之牛見
往乃及走還河未至河公反牛乃以手拔牛左足脫以右手

持斧斫牛頭殺之此青牛者是万年木精也語林曰庾公欵代
王公先書與郝公曰老賊轉欵輒張殿中將軍舊用才學士
以廣視听而頃悉內面牆人是欵敵主之明便欵勤教州之
衆以除君側之惡今年之舉箴不泮矣

負外將軍

後魏官氏曰負外將軍從第八品

直閣將軍

後魏書曰楊曄字述季弘農華陰人也性雅厚頗有文學起家
奉朝請稍直閣將軍

肖子顯齊書曰王敬則番陵南沙人也生而紫袍年長而腋下
生乳各長數寸夢騎五色師子明帝即位為直閣將軍
齊書曰劉善明為直閣將軍五年青州汶虜善明陷北虜移置
素乾善明布衣蔬食哀感如持喪明帝每見為之歎息時人
稱之

太平御覽卷第二百三十九

太平御覽卷第二百四十

職官部三十八

雜號將軍下

建威將軍

奮威將軍

奮武將軍

振威將軍

揚威將軍

建武將軍

輕車將軍

伏波將軍

林官將軍

折衝將軍

虜威將軍

偏將軍

裸將軍

破虜將軍

漢臣將軍

討虜將軍

輔威將軍

建儀將軍

刺姦將軍

虎牙將軍

揚化將軍

安漢將軍

輔漢將軍

都護將軍

立義將軍

中堅將軍

厲威將軍

盪魏將軍

討逆將軍

輔吳將軍

中將軍

鷹揚將軍

牙門將軍

北將軍中侯

中領將軍

中護軍

直後

朱衣直閣

直寢

盪寇將軍

直齊

監軍

建威將軍

魏志東觀漢記曰光武以耿弇為建威大將軍從攻雒陽

奮威將軍

魏志曰呂布殺董卓王允以布為奮大將軍儀比三司

又曰道授說袁紹表為奮威將軍

奮武將軍

吳志曰賀齊傳豫章東郡民鼓材李玉王海等起為賊亂衆万余人齊討平之誅其首惡余皆降服揀其精健為兵次為縣戶

遷奮武將軍

振威將軍

魏志曰太祖以程昱為振威大將軍破袁譚尚

揚威將軍

魏志曰臧霸字宣高大山人也從太祖討孫權於濡須口與張
遼為前鋒行遇霖雨大軍先及水遂長賊船稍近將士比不安
遼欲去霸止之曰公明於利鈍寧肯損吾等耶明日果有令遼
至以語太祖善之拜霸揚威將軍

建武將軍

魏志曰太祖以夏侯惇為建武將軍
又曰文帝善孟達姿才容觀以為建武將軍

輕車將軍

漢書曰武元光七年以公孫賀為輕車將軍屯馬邑

伏波將軍

環齊要略曰伏波船涉江海欲浪伏息也

漢書曰武帝元鼎五年以路博德為伏波將軍伐南越呂嘉
東觀漢記曰光武以馬援為伏波將軍

魏志曰夏侯惇為伏波將軍領河南尹使得以便宜從事不拘科
制太祖常與同載持見親重出入臥內請將莫得比也
王隱晉書曰武帝以孫琇為伏波將軍

材官將軍

漢書曰武帝以李息為材官將軍馬邑

折衝將軍

魏書曰武帝以樂進為折衝將軍

虎威將軍

魏志曰于禁字文則太山人將軍王服異之薦禁才任大將太祖召見與拜軍司馬後拜虎威將軍

吳志曰朱然字義封從孫權討閔羽別與潘璋到臨沮擒羽廷昭武將軍封西安鄉侯虎威將軍呂蒙病篤權問曰卿如不

起誰可代者蒙對曰朱然膽守有餘愚以為可任蒙卒權假然

節鎮江陵

齊書曰柳世隆元景子出為虎威將軍上庸太守帝謂

元景曰卿昔以虎威之號為隋郡今復以援世隆使卿門世不絕公也

偏將軍

後漢書曰吳漢字子顏南陽宛人家貧以敗馬自業素聞世祖長者獨歆歸心及世祖於廣阿拜漢為偏將軍

又曰臧宮字君翁潁川人也從世征戰諸將多稱之勇世祖察

宮勤力少言甚親納之及至河北以為偏將軍

吳志曰陳武字子列廬江人孫策在壽春武脩謁時年十八長七尺七寸及權統事尤為權所愛偏將軍

裨將軍

魏志曰李通字文達江夏平春人以遊俠聞於江汝之間屬連歲大飢通傾家振施與士分糟糠建安初通舉衆詣太祖于許太祖討張繡通為先登大破繡軍拜裨將軍

虎牙將軍

漢書曰宣帝以雲中太守田順虎牙將軍伐匈奴

范曄後漢書曰蓋延字臣卿漁陽人也身長八尺邊俗尚勇力而以氣聞延與吳漢同歸世祖從平河北世祖即位拜虎牙將軍

漢臣將軍

東觀漢記曰上於大會中指王常謂群臣曰此家率下江諸將輔翼漢室心如金石貞忠臣也日以常為漢臣將軍與諸將軍絕席

討虜將軍

東觀漢記曰光以王霸為討虜將軍繫董憲

破虜將軍

魏志曰李典字曼成山陽鉅野人為破虜將軍典好學問貴儒雅不與語諸將爭功敬賢士大夫恂々若不及軍中稱其長者

建義將軍

東觀漢書曰光武以朱祐為建義將攻朱鮪

刺姦將軍

東觀漢書曰光武以市令祭遵為刺姦將軍

范曄後書曰岑彭字然南陽棘陽人也後世祖拜祖為刺姦大將軍使督察衆營授以常所持節

輔威將軍

東觀漢書曰光武以臧宮為威將軍

揚化將軍

東觀漢記曰光武以堅譚為揚化將軍

安漢將軍

蜀志曰糜竺字子仲益州既定拜為安漢將軍班在軍師將軍之右竺雍容敦雅而翰翮非所長是以待之上賓之禮未曾有所統御然賞賜優寵無與為此又曰王平字均諸葛亮卒於武功軍退還魏延作亂一戰而敗平之功也廷安漢將軍

輔漢將軍

東觀漢記曰光武以鄧奉為輔漢將軍

都護將軍

魏志曰曹洪累從征討為輔都護將軍

立義將軍

魏志曰龐德以衆降太祖聞其驍勇拜立義將軍

中堅將軍

魏志曰太祖以許諸為中堅將軍及以張遼為行中堅將軍

厲威將軍

魏志曰太祖征荊州還留滿寵行厲威將軍

盪寇將軍

蜀志曰張嶷字伯岐自越雋徵詣成都民夷戀慕泣涕過旄牛
邑君襁負來迎及追尋至蜀郡界其督率隨嶷朝貢者百餘
人嶷至拜盪寇將軍慷慨壯列士人多貴人

討逆將軍

吳志曰曹公表孫策為討逆將軍封吳侯

輔吳將軍

吳志曰孫權以張昭為輔吳將軍

沈約宋書曰吳置輔吳將軍班亞三司

盪魏將軍

吳志曰呂據太元元年大風江水盛溢流漸淹城門樞使視水
獨見據使人取大船以備官樞嘉之拜盪魏將軍

鷹揚將軍

晉書曰郭弈咸寧初廷雍州刺史鷹揚將軍尋假赤幢曲蓋
鼓吹

牙門將軍

蜀志曰魏延字長文義陽人也部曲將隨先生入蜀數有戰

功廷牙門將軍

中將軍

北齊書曰沙苑之敗崔仲文持馬尾以渡河波中乍沒乍出高
祖望見之曰崔掾也遽遣船赴接既濟勞之曰卿為親為君不
顧万死可謂家之孝子國之忠臣加中將軍

中領軍

魏志略曰中領軍延康中置故漢北軍中侯之官

又曰太祖以史渙中勇為中領軍領禁兵

又曰太祖還至長安以曹休為中領軍

又曰文帝征孫權以尚書令陳郡為中領軍

晉書曰吳隱之為中領軍清儉不華每月初得祿裁畱身糧其餘悉分賑親族家人績紡以供朝夕時有困絕或併日而食恒布衣不完妻子不露才祿

晉中央書曰羊祐字叔子廷中領軍悉統宿

衛入直殿中執兵之事兼內事

齊書曰蕭景光武帝少年與景先共車行塗路

車久故壞至領軍府西門車轆折俱狼狽景先謂帝曰兩人脫作領軍亦不得忘今日難辛及武帝踐作詔以景先為領軍拜

曰羽儀甚盛傾朝觀屬拜還未至府門中詔相聞領軍今日故當無折轆事耶景先奉謝

梁書曰臧盾廷中領軍。管天下兵要監局事多盾為人敏瞻有風力長於撥繁職事甚理天監中吳平侯蕭景居此職著声称至是盾復繼之

三國典略曰齊左僕射璉六附令萱水為領軍齊主許之侍中斛律孝卿謂上洛王元海侯呂芬等云璉是漢兒兩眼育豈合作領軍也元海遂入啓之璉言於齊主云元海與臣素有隙必是元海讚臣齊主曰然璉列元。海共太府少卿李抔元平桂

令張略等結朋樹黨六令萱入唱和之遂除元海為鄭州刺史
叔元為襄城郡守和叔略為南營州錄事參軍珽遂獨處機衡
摠知兵事齊王亦令中要人扶持出入每同御榻論次朝政
高堂隆集曰已已詔書中領軍游擊皆清王佩

中護軍

史記曰漢高帝以陳平為護軍中尉及護諸將

漢書曰護軍都尉秦官元狩四年屬大司馬元壽元年更名
司寇元始元年更名護軍

魏志曰韓浩字元嗣元以忠勇顯為中護軍掌禁兵置長

史司馬從太祖討張魯降儀者以浩智畧是以緩邊欲留使都
督諸軍鎮漢中太祖曰吾安可以無護軍乃與俱其見親知此
王隱晉書曰鄧攸遷吏部尚書牧馬於家庭妻子素食當時清
淨內外蕭然廷為中護軍

晉起居注曰武帝大始七年詔曰中護軍職典武選宜得堪幹
其事者左衛將軍羊琇有明瞻才見乃心在公以琇為中護軍
晉中興書曰司從王導將以趙未為中護軍孔子愉謂道曰中
與以未處此官周伯仁應思遠今誠之才豈可以趙未居之其
秉正不撓皆此數也

世語曰夏侯玄世名知人為中護軍拔用武官無非俊傑多收
州典部

皇甫謐集云護軍武士之官

晉王羲之臨護軍教曰今所在於公後約平其羗大史忠謹在
公者覆行諸營家至人告暢吾乃心其有老落篤瘡不堪徒後
或有飢之色不能自存者區分處別自當叅詳其宜

北軍中侯

漢書曰武帝置中壘校尉掌北軍壘門外內續

漢書曰光武中興中省壘置中侯五校尉營又曰孔文舉拜北

軍中侯

王隱晉書曰荀晞字道將為北軍中侯

又曰太祖永昌元年以鍾雅為北軍中侯五年省併領軍晉中
興陶回字恭之王遵以回有器幹擢拜北軍中侯回性不畏強
禦

朱衣直閣

後魏書曰元文景大司農卿康子次除員外郎冠軍將軍朱衣
直閣

直寢

後魏書曰于忠字思賢弱冠待御史文明太后臨朝刑政頗峻
忠朴直少言終無過誤尋除左中郎將領直寢又曰楊津字羅
漢弘農華陰人也本字延祚高祖賜名馬少端謹以器度見稱
為直寢

直後

魏書曰元夫穆性和後美形貌年二十起家員外郎領直後蕭
子顯齊書曰臨海亡命田流自號東海王逃竄會稽鄞縣邊
海山谷中立屯營官軍不能討明帝遣直後聞人襲降之

直齊

後魏書曰官氏志曰大和九年十月初置直齊

監軍

史記曰穰苴將兵扞燕晉之師苴曰臣素賤君擢之閭伍之中
加之大夫之上願得君之寵臣國之所尊以監軍景公使壯賈
往苴與賈約曰會日中於軍門苴先馳至軍立表下漏賈素
驕貴夕時乃至苴遂斬賈以徇三軍士皆震懾服之

東觀漢記曰光武使朱歙監諸將

范曄後書曰宋均字叔庠為監軍時伏波將軍馬援征武援南
臨沅水軍士多病均惧衆軍疾疫矯詔迫降之諸將莫應

均乃勒軍圍賊城詐為詔而降之為置長吏而歸自刻矯詔之
罪帝善焉

魏志曰司馬文王征壽春使監軍石苞統卒為遊晉武帝起居
志曰豫州刺史胡威忠素質直思謀深奧其以威為監軍
刺史如故

太平御覽卷第二百四十

